



UNDANG² MALAYSIA

Akta A30

AKTA (PINDAAN) PERLEMBAGAAN, 1971

Tarikh Persetujuan di-Raja ... 9hb Mach, 1971

Tarikh di-terbitkan dalam *Warta* ... 9hb Mach, 1971

UNDANG² MALAYSIA

Akta A30

AKTA (PINDAAN) PERLEMBAGAAN, 1971

Suatu Akta bagi meminda Perlembagaan Persekutuan.

[10hb Mach, 1971.]

MAKA INI-LAH DI-PERBUAT UNDANG² oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Ra'ayat yang bersidang dalam Parlimen, dan dengan kuasa daripada-nya, saperti berikut:

1. Akta ini boleh-lah di-namakan Akta (Pindaan) Perlembagaan, 1971. Tajok ringkas.
2. Perkara 10 Perlembagaan ada-lah dengan ini di-pinda dengan— Pindaan Perkara 10.
 - (a) menggantikan perkataan "Tertaklok kapada Fasal (2) dan (3)" yang terdapat dalam Fasal (1) dengan perkataan "Tertaklok kapada Fasal (2), (3) dan (4)"; dan
 - (b) menambah Fasal (4) baharu yang berikut—

"(4) Pada mengenakan sekatan² demi kepentingan keselamatan Persekutuan atau mana² bahagian-nya atau ketenteraman awam di-bawah Fasal (2) (a), Parlimen boleh meluluskan undang² melarang perbuatan mempersoal apa² perkara, hak, taraf, kedudukan, keistimewaan, kedaulatan atau hak kedaulatan yang di-tetapkan atau di-perlindung oleh peruntukan Bahagian 3, Perkara 152, 153 atau 181 berhubung dengan apa² jua melainkan berhubung dengan pelaksanaan-nya sa-bagaimana yang di-nyatakan dalam undang² itu."
3. Perkara 63 Perlembagaan ada-lah dengan ini di-pinda dengan menambah fasal baharu yang berikut— Pindaan Perkara 63.
 - "(4) Fasal (2) tidak boleh di-pakai bagi sa-saorang yang di-pertudoh atas suatu kesalahan di-bawah undang² yang di-luluskan oleh Parlimen di-bawah

Perkara 10 (4) atau atas suatu kesalahan di-bawah Akta Asutan, 1948 mengikut sa-bagaimana yang di-pinda oleh Ordinan No. 45 (Kuasa² Perlu) Dharurat, 1970.”.

Pindaan
Perkara 72.

4. Perkara 72 Perlembagaan ada-lah dengan ini di-pinda dengan menambah fasal baharu yang berikut—

“(4) Fasal (2) tidak boleh di-pakai bagi sa-saorang yang di-pertudoh atas suatu kesalahan di-bawah undang² yang di-luluskan oleh Parlimen di-bawah Perkara 10 (4) atau atas suatu kesalahan di-bawah Akta Asutan, 1948 mengikut sa-bagaimana yang di-pinda oleh Ordinan No. 45 (Kuasa² Perlu) Dharurat, 1970.”.

Pindaan
Perkara 152.

5. Perkara 152 Perlembagaan ada-lah dengan ini di-pinda dengan menambah fasal baharu yang berikut—

“(6) Dalam Perkara ini, “maksud rasmi” erti-nya apa² jua maksud Kerajaan, sama ada Kerajaan Persekutuan atau Kerajaan Negeri, dan termasuk-lah apa² maksud sa-suatu pehak-berkuasa awam.”.

Pindaan
Perkara 153.

6. Perkara 153 Perlembagaan ada-lah dengan ini di-pinda dengan—

(a) memasokkan sa-lepas sahaja perkataan “Melayu” yang terdapat dalam Perkara itu perkataan “dan bumiputra mana² Negeri Borneo”;

(b) memasokkan Fasal (8A) baharu yang berikut sa-lepas sahaja Fasal (8)—

“(8A) Walau apa pun yang terkandung dalam Perlembagaan ini, jika dalam sa-suatu Universiti, Maktab atau yayasan pelajaran lain yang memberi pelajaran sa-lepas daripada Sijil Pelajaran Malaysia atau yang sa-taraf dengan-nya, bilangan tempat² yang di-tawarkan oleh pehak-berkuasa yang bertanggungjawab atas pengelolaan Universiti, Maktab atau yayasan pelajaran itu kepada chalun² untuk sa-suatu kursus pengajian ada-lah kurang daripada bilangan chalun² yang ber-kelayakan bagi tempat² itu maka sah-lah bagi Yang di-Pertuan Agong menurut Perkara ini, memberi apa² arahan sa-bagaimana yang di-kehendaki kepada pehak-berkuasa bagi menentukan perezapan sa-suatu kadar daripada tempat² itu bagi orang Melayu dan bumiputra mana²

Negeri Borneo mengikut sa-bagaimana yang di-fikirkan menasabah oleh Yang di-Pertuan Agong; dan pihak-berkuasa itu hendak-lah mematohi arahan itu dengan sempurna.”; dan

- (c) memasukkan Fasal (9A) baharu yang berikut sa-lepas sahaja Fasal (9)—

“(9A) Dalam Perkara ini perbahaasan “bumi-putra” mengenai sa-suatu Negeri Borneo hendak-lah mempunyai erti yang di-berikan kapada-nya dalam Perkara 161A.”.

7. (1) Fasal (3) Perkara 159 Perlembagaan ada-lah dengan ini di-pinda dengan memasukkan perkataan yang berikut sa-lepas sahaja perkataan dalam kurongan yang terdapat dalam-nya—

Pindaan
Perkara 159.

“dan sa-suatu Rang Undang² bagi membuat apa² pindaan kapada sa-suatu undang² yang di-luluskan di-bawah Perkara 10 (4)”.

- (2) Perkara 159 (5) Perlembagaan ada-lah dengan ini di-pinda dengan—

- (a) memasukkan sa-lepas sahaja perkataan “kapada” perkataan “Perkara 10 (4), undang² yang di-luluskan di-bawah-nya, peruntukan Bahagian 3,”;
- (b) memasukkan sa-lepas sahaja angka “38,” angka “63 (4),”;
- (c) memasukkan sa-lepas sahaja angka “71 (1)” koma di-ikuti oleh angka “72 (4), 152,”; dan
- (d) memasukkan sa-lepas sahaja angka “153” perkataan “atau kapada Fasal ini”.

8. Perkara 161A Perlembagaan ada-lah dengan ini di-pinda dengan—

Pindaan
Perkara
161A.

- (a) memotong Fasal (1), (2) dan (3) dalam Perkara itu; dan
- (b) memotong perkataan “dengan perubahan² yang di-buat oleh Fasal (2)” yang terdapat dalam Fasal (4) Perkara itu.